



Te Kura Kaupapa Māori o Wairarapa • Ruia te taitea, kohia te rangiura

# HE RĀHUI



NĀ PANIA REIRI-SMITH I TITO

NĀ NGĀ TAMARIKI O TE KURA KAUPAPA MĀORI O WAIRARAPA I WHAKĀHAUA

Tāia i te tau 2014 e Te Kura Kaupapa Māori o Wairarapa  
tautokona e te Waka Kotahi (NZ Transport Agency)  
37 Johnstone Street  
Masterton 5810  
[www.kkmow.school.nz](http://www.kkmow.school.nz)  
[www.education.nzta.govt.nz](http://www.education.nzta.govt.nz)

Ngā āwhina whakatā nā Lift Education E Tū

Ngā kōrero me ngā pikitia © Te Kura Kaupapa  
Māori o Wairarapa 2014  
Pūmau te mana.

I tāia ki te pepa pūioio kī pono o te ISO14001.

ISBN 978-0-478-41952-8 (te pukapuka)  
ISBN 978-0-478-41953-5 (te rauemi ipurangi)



# HE RĀHUI

NĀ PANIA REIRI-SMITH I TITO  
NĀ NGĀ TAMARIKI O TE KURA KAUPAPA MĀORI O WAIRARAPA I WHAKAAHUA




Te Kura Kaupapa Māori o Wairarapa  
Masterton



I te wā tākaro o te ata,  
ka karanga a Chorys ki a Aromea,  
“Haere mai ki te tākaro poi roa.”



Nō te kaha whana a Aromea i te pōro,  
ka tupana i kō atu i a Chorys  
i kō atu i te tari,  
ki runga i te huarahi!



Ka whāia e Aromea te poro.  
Ka hāparangi atu a Whaea Georgia-May,

## **“E tū, kaua e oma!”**

Kātahi ka rere atu he taraka nui,  
tata takahia te poro.  
Hopukia e Whaea Georgie-May a Aromea.  
Ohomauri ana te tū a Aromea  
i te mōhio koia i waimarie.



E TŪ,  
KAUĀ E ŌMA!

Te Kura Kaupapa  
Māori  
o Waitara



Nāwai rā, ka kōrero te kaiako  
ki ngā tamariki.

"Tamariki mā, ma te aha  
tātou e mōhio kia kauā  
e puta i ngā taiapa kura  
ki ngā huarahi?"



Ka tū te ringa o Tūtahi.


“Kei te mohio ahau, kei te mohio ahau,  
mē hanga he pā tūwatawata hei amio i te kura.”

“Kāo!” te hāmama whakatoi a ngā tamariki.

“Ki te hangaia, kāore tātou e uru, e puta rānei,” te  
kī a Maika.



Tū ana te ringa o Pēpi Anahera,  
“Kei te mohio ahau, kei te mohio ahau,  
me noho pūmau tātou ki rō akomanga.”  
“Kāo!” te hāmama whakatoi a ngā tamariki.  
“Ka noho pūmau tātou ki rō akomanga,  
kore rawa tātou e puta ki te papatākaro,”  
te whakahoki a Chorys.



Ka whakaaro a Aromea, ka tū tōna ringa.  
“Whaea Georgia-May, ki taku whakaaro  
me tohu ngā wāhi ‘kia kaua tātou e haere’.”  
“Anana,” te whakaae a Whaea Georgia-May.  
“Pērā hoki i te rāhui.”  
“He aha te rāhui?” ko te pātai a ngā tamariki.

“He wāhi te rāhui e kore tātou e haere.  
Ā, mā te rāhui tātou e tiaki.”





I puta ki waho ngā tamariki me Whaea Georgia-May.  
I hīkoi rātou i te kura.  
I tohua e rātou ngā wāhi hei rāhui.

Tuatahi, nā ngā tamariki ngā rāhui i māka ki te tioka.



Tuarua, nā Whaea Reiri-Smith ngā māka i peitā kia tino mumura.



Ka pātai a Whaea Georgia-May, “Tamariki mā,  
kite ai koutou he taraka aihikirimi,  
ka taea te whakawhiti i te rāhui?”

“Kāore! Kaua e whakawhiti i te rāhui,”  
te hāmama whakahē a ngā tamariki.

“He aha ai?” ko Whaea Georgia-May.

“Mā te rāhui tātou e tiaki!” ko ngā tamariki.



“Ā, inā tangi te pere  
i te mutunga kura,  
ka taea e koutou te whakawhitit  
i te rāhui?”

“Kāore! Me tatari  
mō ōu mātua,” te hāmama  
whakahē a ngā tamariki.

“He aha ai?” ko Whaea  
Georgia-May.

“Mā te rāhui tātou e tiaki!”  
ko ngā tamariki.



I te mutunga kura, ka huihui ngā tamariki  
me te kaiako ki te rāhui.

“He taonga tēnei hei whakanui  
i te whakaaro pai o Aromea.  
Kia ora e hine nā tō whakaaro  
kua haumaru ake te kura.”

“Mā te rāhui tātou e tiaki!” te kī a ngā tamariki.





# TE RĀHUI

Nā Pania Reiri-Smith

Hei te mutunga kura kaua e puta atu i te rāhui

Emaj      Bb  
(mā te rāhui tātou e tiaki!) (hāmama)

I te tangi ō te pere kaua e puta atu i te rāhui

Bb      Emaj  
(mā te rāhui tātou e tiaki!) (hāmama)


Titiro whakatemaui, whakatematau

Amaj  
Tatari mō o mātua, me tō whānau

Emaj  
Kia kore koe e wareware kaua e puta atu i te rāhui

Bb      Emaj  
(mā te rāhui tātou e tiaki!) (hāmama)

**Kaua e oma ki runga i te huarahi!  
He rāhui kei konei.**



**Te Kura Kaupapa Māori o Wairarapa  
Ruia te taitea, kohia te rangiura**